

12. september 2008  
Tilkynning til Fréttablaðsins  
frá Sambandi Íslenskra sparisjóða



### **Stór og alvarleg orð á veikum grunni**

Staða sparisjóða er mun sterkari en skilja má af ummælum og umræðu undanfarnar vikur. Samkvæmt sex mánaða uppgjöri er eigið fé sparisjóða í landinu í lok júní rúmlega 79 milljarðar króna og eiginfjárlutfall (CAD) er 14,37. Eiginfjárlutfall má lægst vera 8 þannig að það má vera ljóst að staða sparisjóðanna í heild er mjög sterk<sup>1</sup>. Eiginfjárstaða viðskiptabankanna er umtalsvert lægri en eiginfjárstaða sparisjóðanna.

Í meðfylgjandi töflu\* eru nokkrar lykiltölur úr reikningum sparisjóða fyrir fyrri hluta ársins. Þar kemur skýrt fram að staða sparisjóðanna er mjög velviðunandi miðað við hið erfiða árferði sem nú ríkir í rekstri fjármálafyrirtækja. Túlkun FME á afkomu af kjarnastarfsemi, eins og fram kom í Fréttablaðinu 10. september, er að mati sparisjóðanna mjög misvísandi. Samanburður við kjarnastarfsemi viðskiptabankanna er líka misvísandi því ýmsar þóknunartekjur sem FME reiknar sem kjarnastarfsemi hjá viðskiptabönkunum eru mjög líklega tengdari eignaumsýslu þeirra og ættu því að vera utan kjarnastarfsemi til að leiðrétta samanburðinn. Þess vegna er dregið fram hver afkoma sparisjóðanna væri ef þeir losuðu eignir sínar í hlutabréfum og hlutdeildarfélagum og legðu andvirðið inn á reikning í Seðlabankanum. Þá kemur fram að tapið snýst í hagnað.

Það er ábyrgðarhluti að svo virðist sem þær opinberu stofnanir sem stjórna starfsgrundvelli fjármálafyrirtækja virðast vera í krossferð gegn sparisjóðum og minni fjármálafyrirtækjum. Seðlabankinn breytir reglum sínum um endurhverf viðskipti (fjármögnun fjármálafyrirtækja) og fleiri þætti miðað við forsendur og út frá hagsmunum viðskiptabanka en skilur sparisjóði og minni fjármálafyrirtæki eftir. Aðgerðir Seðlabankans hafa í besta falli verið skaðlaugar en í mörgum tilvikum mjög íþyngjandi fyrir sparisjóðina.

FME hefur með orðum sínum og athöfnum svert stöðu sparisjóða og gert samskipti þeirra við viðskiptavini og lánveitendur erfiðari en efni standa til. Þannig gætu nýleg ummæli forstjóra FME orðið til þess að innlánseigendur tækju peninga sína út úr sparisjóðum þó að þeir séu fullkomlega tryggir hjá þeim. Jafnframt sá FME ástæðu til að gefa út sérstaka fréttatilkynningu um að „stóru viðskiptabankarnir“ stæðust álagspróf (svokallað stresstest) en neita sparisjóðum um samsvarandi „vottorð“ þótt tölurnar gefi fullt tilefni til þess. Þetta túlka lánveitendur sem merki frá FME um að sparisjóðir séu ekki í lagi með ófyrirsjáanlegum afleiðingum fyrir lánsöguleika þeirra og lánskjör.

Samhliða þessu er Samkeppniseftirlitið að fetta fingur út í samstarf sparisjóða og viðhorf embættismanna í Viðskiptaráðuneytinu virðist vera að fákeppni á viðskiptabankamarkaði sé æskilegri heldur en að heimila sparisjóðum að mynda sameiginlega mótvægi og samkeppni við turnana þrjá.

Kannanir hafa margoft leitt í ljós að meirihluti landsmanna telur það skipta miklu máli að sparisjóðirnir haldi áfram starfi sínu á fjármálamarkaði. Þeir eru elstu starfandi fjármálastofnanir landsins og hafa unnið traust viðskiptavina með því að veita vandaða fjármálaþjónustu sem

einkennist af fagmennsku og alúð. Sparisjóðirnir hafa einnig lagt mikið af mörkum til margs konar uppbyggingar í héraði og tekið virkan þátt í mannlífi á hverjum stað, eftl atvinnulíf og stutt líknar- og íþróttastarf. Meginmarkmið þeirra er að eiga arðsöm langtímaviðskiptasambönd og það hefur sýnt sig að viðskiptavinir kunna að meta þjónustu sparisjóðanna, enda hafa þeir ár eftir ár hlotið ýmsar viðurkenningar fyrir vel unnin störf og ánægjuvögina.

Það hlýtur að vera krafa sparisjóða og viðskiptavina þeirra að opinberir aðilar, Seðlabanki, embættismenn og eftirlitsstofnanir vinni ekki gegn sparisjóðum og geri þannig samkeppni í fjármálaþjónustu í landinu fátæklegru. Sparisjóðir hafa eins og önnur fyrirtæki lent í mótbyr sem meðbyr og hafa þróast með hliðsjón af aðstæðum og stöðu á hverjum tíma. Það er engin ástæða til að ætla annað en að sparisjóðunum takist að sigla í gegnum þann skafl sem nú ríður yfir og þjóna viðskiptavinum sínum um allt land hér eftir sem hingað til.

<sup>i</sup> Sparisjóður Mýrarsýslu er ekki tekinn með í þessum útreikningum vegna þess að sérstaða hans er mikil og hann er nú kominn í „eigu“ Kaupþings.

\*

	<b>Allir *</b> <b>sparisjóðir</b>	<b>3 stærstu</b> <b>sparisjóðir</b>	<b>Aðrir</b> <b>sparisjóðir</b>
Vaxtatekjur	41.110	38.125	2.985
Reikn. vaxtat. v/fjáreigna	3.512	2.785	728
Hreinar leiðr. vaxtatekjur	11.182	9.924	1.259
Hreinar þjónustutekjur	2.029	1.853	176
Virðisrýrnun útlána	4.314	4.057	257
Leiðrétt afkoma	2.168	1.736	433

Heildarfjármagn	607.306	563.434	43.872
Útlán	444.412	417.883	26.529
Fjáreignir, hlutabréf ofl	110.356	97.454	12.902
Innlán	251.107	227.079	24.028
Lántaka	183.903	178.179	5.724
Eigið fé	77.619	70.742	6.877

CAD	16,08	16,38	12,46
Hlutfall innlána af útlánnum	57%	54%	91%

\* Sparisjóður Mýrarsýslu er ekki tekinn með í þessum útreikningum vegna sérstöðu sinnar

Nánari upplýsingar veitir Guðjón Guðmundsson, framkvæmdastjóri Sambands íslenskra sparisjóða í síma 540-4000 eða Gísli Jafetsson staðgengill framkvæmdastjóra í síma 540-4090.